



UNIVERSITÄTS-
BIBLIOTHEK
PADERBORN

Universitätsbibliothek Paderborn

Medvlla Theologiæ Moralis

Busenbaum, Hermann

Monasterii Westphaliæ

Cap. I. De furto.

urn:nbn:de:hbz:466:1-40957

TRACTATUS V.

*De VII. Precepto.**Non Furtum facies.*

Cum hoc prohibetur omnis injusta damnificatio in bonis proximi, quae fit 1. per furtum, & rapinam. 2. per omissionem reparationis damni illati. 3. per iniquitatem contractuum; de his tribus hic agendum.

CAPUT I.

De Furto.

DUBIUM I.

Quid sit furtum, & quale possum?

REsp. Est occulta & injusta rei alienæ ablatio, in iusto rationabiliter domino. Quod si res sit sacra, dicitur Sacrilegium, de quo supra. Si appetere cum vi fiat, est Rapina, à furto specie distincta. Licet autem furtum cæteris paribus, quam rapina levius sit, & ex genere suo minimum inter ea, que circa proximum committuntur, est tamen mortale, si quantitas sit notabilis. Ita communiter omnes, v. Bon d. 2. q. 8. Unde resolves.

I. Qui alienum accipit per jocum, vel ob bonum aut commodum illius, à quo accipit, non furatur: v. g. si uxor auferat marito pecunias, ne ludis aut commestationibus prodigat; aut vinū, ne inebrietur, aut librum hæreticū ne legat; aut famulus

det

det eleemosynam non nimis magnam valde indigenti, in qua dominus rationabiliter non sit invitus, à quo tamen ob verecundiam vel aliam causam non ausit petere, v. *Less. l. 2 c. 12.*

II. Qui pro se, vel alio in extrema necessitate constituto, alienum accipit, quantum necessariū est, nec furatur, nec tenetur restituere postea sic absumptum; si quidein re & spe indigens fuit. Idē docent *Less. l. c. d. 12. Malderus, Dian. &c.* de necessitate gravi. Verum id probabilius alii negant, cum *Laym. l. 3. c. 3. p. 1. ca. 1. num. 7. ex S. Th. 2. 2. q. 66. a. 7.*
Sylv. Angl. vid. Dian. to. 1. p. 2. t. misc. Ref. 20. C. Lugo d. 16. f. 7.

III. Nec item furatur, qui accipit in compensationem justam, si aliter sibi debitum accipere nequeat, v. gr. si famulus justum stipendium non possit aliter obtinere; vel inique inductus sit, ad serviendū iniquo pretio, v. *Lay. l. c. & Tol. l. 5. c. 15.*

D U B I U M II.

Quid sit quantitas notabilis ad mortale peccatum?

Variæ ea de re sunt sententiae. *N&v.* nimis scrupulosè statuit medium regalem; alii nimis laxè *100. aureos*: moderatius *Tol. Med. Less. &c.* duos regales; et si minus sufficiat, si notabiliter noceat.

Resp. Eanon mathematicè, sed mortaliter metienda est, non tantum ex valore rei ablatæ, sed etiam ex circumstantiis personæ cui infertur, si nimis ei grave damnū inferatur, aut saltē charitas Christiana graviter ledatur: quomodo respectu valde divitis, imò etiā Regis, un° vel altera ure° no-

v. 36. *Inn. XI.*

ta-

tabile quid videtur; respectu verò mediocriter
divitum, quatuor circiter regales, sive medius im-
perialis, respectu mechanicorum duo, respectu
pauperis, unus. Ita nunc plerique cum Bonac. Un-
de resolues.

I. Grave peccatum est auferre rem parvam do-
mino valde proficiam, v.g. fætori acum, quam
unicam habet, nec habere aliam potest, qua se a-
lat. *Leff. l. 2. c. 12. d. 8.*

II. Grave item est (etsi non in specie furti) si fur-
sciat ex jactura rei parvæ domino securoram val-
de magnam molestiam, v.g. quia valdè ad eam af-
ficebatur, nec similis recuperari potest: nisi am-
res sit nullius prorsus momenti, *vid. Bon. 2. q. 8.
p. 1.*

III. Plus requiritur ad notabilem quantitatem
in reb. quæ ultrò proveniant, & sunt valdè exposi-
tæ, v.g. fructus ad viam publicam, *v. Leff. l. c.*

IV. Plus item, si quis à diversis, vel ab uno inter-
polatim, parva & plura furetur, *v. Leff. l. c. n. 46.*

DUBIUM III.

*Quam graviter peccet, qui multa minuta
furga committit?*

Resp. Hic quoq; quantitas læsionis, vel damni-
ficationis, quæ fit proximo, & quam fur intendit,
est mensura quantitatis peccati, *v. Leff. l. c. Sanch.
l. 7. c. 2.* Unde resolues.

I. Si quis ex occasione tantum furatur, sive uni,
sive pluribus, modicum, non intendens notabile
aliquid acquirere, nec proximo graviter nocere,
singulis furtis non peccat graviter, neq; ea simul
sum.

sumpta unum mortale constituunt: postquam tamen ad quantitatem notabilem pervenit, eam detinēdo mortaliter peccare potest, *Less. d. 7. Sanch. l. 7. c. 21. Bon. q. 8. p. 2.* Verū & hoc mortale evabit, si vel tunc restituere non possit, vel animum habeat paclō post restituendi ea saltem, quæ tunc accipit, *Gran. Dian. p. 3. t. 6. R. 25.*

II. Si autem per plura parva furtā uni vel pluribus facta, habeat intentionem paulatim ditescendi, vel inferendi grave damnum, peccat graviter ea intentione: ac licet executio singulorum sit tantum venialis ex se, ut tamen substat tali intentioni, est continuata executio peccati mortalis, *Less. l. 2. c. 12. d. 7. Sanch. l. c.* quia nocent graviter *R. e. pub.* & praxis illa valdè perniciosa est societati humana: v.g. si sartor particulas panni à diversis surripiat, si mercatores utantur brevioribus ulnis, &c. Interim hi excusantur subinde à gravi peccato, i.e. ex eo, quod dictum est casu primo. 2. Si id faciant, ut se servent indemnes, quia aliás non lucrarentur, vel premium augere deberent, & tunc non inventirent emptores. *Rosella V. emptio.* 3. si aliás non habeant, unde se vel suos alant.

III. Si plures simul, vel successivè, plura furtā parva alicui faciant, quæ simul sumpta graviter illi noceant, tunc si alter de altero non sciat, nullus peccat graviter, v.g. si viatores ex vinea unam alteramve uvam rapiant & comedant: et si hoc licere dicat *Gover. Valerus & Ripa contra Dian. p. 3. t. 6. R. 20.* si autem singuli conspirent, singuli graviter peccant. Si denique de se inutuo sciant, nullus tamen alteri sit causa furti, probabilius est

non

non esse mortale, ut docet *Less. Tann. &c.* contra
Suar. Vasq. v. Bon. l.c.

DUBIUM IV.

*Quid sentiendum de furtis domesticis-
rum, vel amicorum?*

— Resp. Licet verè furtum sit, si uxor, liberi, amici, servi, patrifamilias invito, quid auferant, plerumque tamen major quantitas requiritur, ut sit mortale, cum plerumque hic dominus, aut non rationabiliter invitatus, aut saltem minus invitatus sit, ut ab his, quam ab aliis auferatur. Vel etsi valde invitatus sit; sèpè tamen id fiat, non tam ratione rei acceptæ, quām modi accipiendi clam; aut ratione finis, ob quem accipitur, v.g. ad ludendum, potandum, &c. v. *Cajet. V. Furtum, Less. l.c. 12. n. 76.* Unde resolves.

I. Uxor graviter peccat, si notabilem summam accipiat invito marito, etiam ex dote, vel bonis communibus, quia licet media pars ad eam spectet, maritus tamen habet usum fructum illius partis, ideoq; teneretur ad restitutionem *Trul. l. 7. c. 6. d. 8. n. 7. &c.*

II. Similiter peccat graviter maritus contra iustitiam, cum obligatione restituendi, si aliquid notabile uxori surripiat absque ejus consenui, ex bonis ipsius paraphernalibus, vel aliis propriis, si quidem libera eorum administratio ipsimet uxori competit; quia par est ratio mariti & uxoris, quoad bona propria. v. *Villalob. tom. 2. t. 13. Trul. l. 6. c. 1. d. 9.*

III.

III. Uxor potest dare eleemosynam & munera, secundum consuetudinem aliarum mulierum istius loci & conditionis, etiam si maritus eleemosynas omnes illi prohibeat: quia consuetudo hujus ei tribuit, quo maritus eam privare non potest. *Ibidem num 3. Dian. p. 1. t. 3. R. 23. & p. 5. t. 8. R. 34.* ubi cum *Molin.* & *10. aliis* docet, posse eam nescio marito dare vigesimam partem annui censu vel lucri, eo quod hoc pertineat ad decentiam status, & maritus irrationabiliter sit invitus. Hinc etiam potest cum Abigail moderata eleemosynas dare, ut mariti conversionem impetrat, vel ne Deus illum puniat. *Vasq. Bon. Regin.* & *alii 10. conta Côn. &c. v. Dia. p. 2. t. 16. R. 23. & p. 5. t. 8. R. 34.*

III. Uxor potest bona expendere, marito absente vel fatuo: quia tuac ad illam spectat, administratio domus. Item quae acquirit sua industria, item paraphernalia, hoc est, bona, quae praeter dotem marito allatam, sibi reservavit, *Trul. l. c.* & ceteri communiter.

IV. Non peccat uxor, subducendo aliqua, vel compensationis causa, si vir sit prodigus, quia ite tunc facit uxori injuriam, partem ipsius profunderendo: vel pro victu, vestibus, ceterisque sibi vel familiæ necessariis, quae mariti saepe intelligunt, & frustra ab illis peterentur. *Bon. Trul. l. c.*

V. Uxor, si ejus pater, mater, vel proles ex alio matrimonio sit pauper, ita ut miserè secundum statum suum vivat, & maritus eis noluit succurrere, potest ex bonis suis propriis, vel etiam ex communib; dummodo post mortem viri.

L. omnia

omnia computet in sua parte) eis subvenire quia jure naturæ tenetur eos alere , & maritus in id consentire. *Nau. Palau. Lef. l.2. c. 12. d.14. Dia. p.5.t.8. R. 34.* ubi illam potestatem extendit ad fratres & sorores, quod etiam *Lef. l.c. & Trul. l.6.c. 1.d.9* judicant probabile.

VI. Filius peccat graviter, invitis parentibus notabilem summam accipiens, qualis non semper est, secundum *Lef. c. 12.* si filius patri prædiviti duos vel tres, imo secundum *Sanch.* quinque vel sex aureos suretur, eo quod parens sit minus invitus, & filius sit aliquid patris. Unde non tenebitur ad restitutionem, nisi forte cohæredibus graviter noceat.

VII. Si filius notabilem summam expendat in res turpes, aut vanas, contra voluntatem parentum, ex pecunia sibi suppeditata ad usus honestos, putat *Lass. c. 12. dub. 13.* eum peccare mortaliter, et si excusat è restitutione, si pater rogatus facile condonaturus putetur.

VIII. Si filius, v.g. mercatoris, vel cauponis administrat bona parentis, potest à patre exigere salariū, quantum dare deberet extraneo : & si id impetrare non possit, vel exigere non ausit, potest clam accipere. Ita probabiliter *Laym. l.3. f.5. t.4. c. 8. Dian. p. 4. t. 4. R. 66,*

IX. Etsi famuli in esculentis , & poculentis, quæ domo exportant, aut divendunt, graviter peccant, quæ tamen ipsi domo consumunt, in iis facilius (uti & Religiosi) excusantur ; cum in his dominus, aut Prælatus sèpè tantum sit invitus quoad modum accipendi clam, non quoad rem,

Quod

Quod tamen timeri posset, si extraordinaria acciperentur, *Laym. Escob. & Less. l. 2. ca. 14. d. 8. num. 48.* Ubi docet quod furtum minima famulorum ex comedilibus, quæ claudi non solent, non coalescant, si non ad vendendum, sed comedendum tantum accipientur.

X. Cum à gravi peccato furtum domesticum non potest excusari, tunc uxor tenetur restituere ex paraphenis, filius ex castrenibus, vel quasi, vel si ea non habet, post mortem patris afferre in divisionem hæreditatis, (si quantitas rei ablatæ sit valde magna, nec pater restitutionē tacitè vel expressè dimiserit.) Famuli verò, si sine magna difficultate restituere non possint, jubeantur compensare officiis & obsequiis extraordinariis, quantum possunt, *Laym. l. 3. tr. 5. part. 3. c. 2.*

CAPUT. II.

DE RESTITUTIONE.

DVBIVM. I.

Quid sit Restitutio, & qui teneantur ad eam.

R Esp I. Restitutio est actus justitiae ad salutem necessarius, necessitate præcepti, quo reparatur damnum proximo illatum per injuriam, ita ut radix restitutionis non sit quævis læsio proximi, v.g. contra charitatem, &c. in quibus non habet jus quod violetur, sed ea tantum, quæ est contra justitiam, in qua propriè injuria infertur, hoc est,

L 2. lreditur